



UNIVERSITÄTS-
BIBLIOTHEK
PADERBORN

Universitätsbibliothek Paderborn

Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Quoniam in te eripiar a tentatione, Et in deo meo transgrediar murum.

urn:nbn:de:hbz:466:1-37005

Ite adas non habet, quod autem dicit, hoc est, Illi habent oculos excel-
 sos, & superbus quisque sibi ipsi est dux & lux, neminem audit, nemini sensu ce-
 dere, nec deo ipsi, quem cum omnibus suis etiam peruertit. Sed populus humilis
 & modestus sit, ut sapiens sit, de se desperans, tibi dat manum, & magisterio tuo
 dirigere uult lumine tuo, sicut psal. lxxxviiij. Domine in lumine uultus
 tui ambulabunt. Et. iij. Signatum est super nos lumen uultus tui domine. Et
 xxxij. Firmabo super te oculos meos. Sic figura Exodi quoque docet, ubi per de-
 um horribile, in quo erant serpentes flatu urentes, scorpiones & diplades,
 ut Deutro. viij. dicitur, filij Israel ducti sunt non suo magisterio, sed columna nu-
 bis & ignis, id est, diuina illuminatione. Ita in Christo surrexit Hierusalem &
 illuminata est, quia uenit lumen eius & gloria domini super eam orta est, ut in
 lumine eius etiam ambulent gentes & reges in splendore ortus eius. Isa. lx. ubi
 dicitur, sed erit tibi dominus in lucem sempiternam, & deus tuus in gloriam tuam.
 De hac luce abunde psal. iij. dicitur, quod sit uerbum Euangelij, Sicut Pe-
 trus dicit, Pet. i. habemus firmiorem propheticum sermonem, cui benefaci-
 tis attendentes tanquam lucernam lucenti in loco caliginoso donec dies eluce-
 scat, & lucifer oriatur in cordibus uestris. In tot enim perturbationibus utriusque for-
 tium, cui in quadam tenebrosissima tempestate non habemus aliam cynosuram aut
 elicen, id est, stellam maris, quam uerbum dei, quod dirigimur quotquot seruamus. *Verbum dei*
 Quare ergo lucerna nostra, quae hoc uerbi lumine illuminat, sine dubio cor-
 nostrum siue id conscientiam, siue intellectum uoces, nihil refert. Ac uide, quod pe-
 nitus nihil tribuat dictamini naturali & inueteratae prudentiae carnis, quod aper-
 tis uerbis, tenebras suas appellet, quicquid absente uerbo dei in nobis fuerit,
 quae illuminari perit lumine uerbi dei, quod facile capit, qui in tentationibus
 uersatur. Non hic intelligit quod nihil possit consulere ratio uniuersa, immo quo
 quis sapientior est, eo sit in periculis insipientior, solum uerbum dei sustentat &
 consulit quid faciendum sit, nepe fidendum & expectandam a deo salutem, ut sequitur.

Quoniam in te eripiar a tentatione,
 Et in deo meo transgrediar murum.

In te, non in me, te rectore, teque illuminatore, non me cursore & operatore,
 euadam tentationes, sciens quod manu tibi tradita, consilium tuum expectandum
 sit. Sic psal. xliij. Nec enim in gladio suo possederunt terram & brachium eorum
 non saluauit eos. Sed dextera tua & brachium tuum & illuminatio uultus tui,
 quoniam placuisti in eis. Tu es ipse rex meus & deus meus qui mandas salu-
 tes iacob. In te inimicos nostros uentilabimus cornu, & in nomine tuo sper-
 nemus insurgentes in nos. Non enim in arcu meo sperabo, & gladius meus
 non saluabit me &c. Ecce uera Christi Ecclesia nescit brachiumulare, quod
 hodie impii pontifices unice amplectuntur, inuocant & metuunt, quam pulchre
 concordat eorum uita & sensus cum diuinis scripturis.

Hierony. & iij. Reg. xxij. rectius: Quoniam in te curram accinctus & in deo
 meo transgrediar murum. Metaphoram enim trahit a militibus animosissimis in
 bello. Nam accinctus, qui *Wagedud* hebraice dicitur. iij. Reg. xxij. latrun-
 culus dicitur, quem nos militem dicimus. Sic enim dicitur ibidem: Immisitque
 dominus ei latrunculos Chaldeorum, & latrunculos Syriae, & latrunculos Mo-
 ab, & latrunculos filiorum Ammon. Vult ergo dicere: In fiducia tui tuncque illu-
 minatio.

K k ij

luminationis ad nullius pauebo occursum, pugnabo aduersus quodlibet genus inimicorum, superabo murum & quicquid oppositum mihi fuerit, hoc est, in me infirmior, in te ero inuictus, & sicut Paulus gloriatur, Phil. ii. Pollum omnia in eo qui me confortat, Et. ij. Cor. ij. Deo gratias, qui non semper triumphat in Christo. Quare murus hoc loco non peccata significat solum, sed potentiam quoque inimici, contra quam pugnat Ecclesia Christi per fidem uerbi dei, sicut in re militari pugnatur contra muros hostium. Nam turres & muri in scripturis allegorice significant duces & protectores & maiores in populo, ut psal. cxxj. Fiat pax in muris tuis & abundantia in turribus tuis, iacob. in m. Murus pro muros, id est omnem potentiam huius mundi, in qua formis ille cultor dit atrium suum donec ueniat fortior & uincat eum.

Potestas mundi non tollitur sed superatur
Et proprie dicit transilium seu transgrediar, non ditam aut destrui, quia potestas mundi non tollitur per uerbum fidei, sed superatur tantum. Non enim Christus Caesaris regnum sustulit, sed sublimius regnum ueritatis condidit. Et Paulus subiecit omnem animam potestatibus sublimioribus, Rom. xii. secus carnem, qui tamen secundum spiritum omnes asserit liberos esse in Christo. Similiter & Petrus, ij. Pet. ij, increpat futuros illos dominationum contempores, qui & ipse liberatam Christianam praedicat, Ita uincimus omnia, tunc maxime quando omnibus subiacemus.

Deus meus, impolluta uia eius, eloquia domini igne examinata.
Protector est omnium sperantium in se.

Idiotismus hebraicus.
Deus, non est in heb. sed absolute, Deus, quod idiotismo hebraico dicitur, pro eo quod nos diceremus: Dei impolluta uia, Hebraeus enim dicit, dei impolluta uia eius, ut psal. cxvij. mons in quo beneplacitum est deo habitare in eo, Et Gen. ij. de ligno, quod est in medio paradisi, non comedas ex eo, quem loquendi more & nostra uernacula habet, dum dicimus, *Von dem holtz mitten ym paradys do solt nit von essen.* Item, *Synem regent der Kirchen, de gepurt nit zu streyten.* &c.

Verba uita, conscientia.
Pergit autem dulci affectu, quo delectatur in deo, diuina eius uerba commendare, sicut haecenus opera commendauit, aduersus tam opera quam uerba superbiorum & impiorum. Nam, quod deus cum sancto sanctus est, & corroborat eos, qui in eis confidunt, hoc facit, per conscientiam puram, Pura enim conscientia laeta & animosa est. Pura autem non fit, ullis operibus aut doctrinis hominum, sed lege & uia domini, ut psal. xvij. Lex domini immaculata conuertens animas. Quale enim est uerbum domini, talis & uia, id est uita secundum uerbum, qualis uita, talis conscientia. At uerbum domini sicut argentum igne examinatum, purgatum septuplum psal. xii. Atque hoc facit, ut impij in deo latari non possint, sed omnia eorum sint peruersa quia iniquitates sunt uitae eorum, quibus omni tempore, in doctrinis & mandatis hominum ambulant & sibi in eisdem placent, etiam ipsa lege domini tracta in suas eadem opiniones.

Ecclesie ad synagogam comparatio.
Quare comparationem oportet obseruare, quia Ecclesia se synagogam per totum comparat, glorians in deo, qui non modo omnia opera Ecclesie probat, sed & doctrinam uerbi purissimam ei dedit, iuxta quam sancta, electa innocens uiuit. Contra impiam synagogam, & opera & uerba polluta facit, quod tumlibet aliud in oculis hominum appareat. Nam ut impij, uitam istam & doctrinam piorum pollutam esse iudicant, ignorant iustitiam fidei, quae ex deo est, & suam querentes ista.